

Osnivanje Smjera umjesto odsjeka uslijedilo je iz razloga što Gradjevinski fakultet nema odsjeka već smjerove (saobraćajni, konstruktivni, hidrotehnički), pa je bilo jedino rješenje da se i za obrazovanje geodeta osnuje poseban smjer s tom razlikom što taj smjer, za razliku od ostalih, ima odvojenu nastavu već od prvog semestra-studija. Prema tome, u suštini nema bitne razlike u upisu niti školovanju geodetskih kadrova bez obzira na naziv.

Odluku o osnivanju Geodetskog smjera pozdravili su gotovo svi geodetski stručnjaci Republike, kao i geodetske organizacije, organi i dr. Međutim, istog dana (7.6.1973.godine), kada je zasjedao i Savjet Gradjevinskog fakulteta, Viša geodetska škola se suprodstavlja Odluci Gradjevinskog fakulteta slijedećim stavom:

Socijalistička Republika Bosna i Hercegovina
VIŠA GEODETSKA ŠKOLA U SARAJEVU

Broj: 01-71/73

Datum: 8-6-1973.godine

SAVEZU GEODETSKIH INŽENJERA I GEOMETARA SRBIH

S A R A J E V O

Obala br. 21

Na sjednici Radne zajednice sa studentima i predstavnicima društvene zajednice ove Škole održanoj 7-6-1973.godine razmatrana je problematika u vezi s osnivanjem Geodetskog odsjeka na Gradjevinskom fakultetu u Sarajevu i prestankom rada ove Škole.

Prema onome što je do sada utvrđeno i dogovoreno na mjerodavnim mjestima, trebalo je da Gradjevinski fakultet osnuje Geodetski odsjek i da do konca maja ove godine raspiše konkurs za upis studenata, a da Škola ove godine ne raspisuje konkurs, jer treba da prestane s radom 30.septembra 1974.godine.

Kako je poznato, 8-7-1971.godine, Gradjevinski fakultet je na svome Referendumu izglasao integraciju s Višom geodetskom školom s tim da Fakultet osnuje samostalni Geodetski odsjek.

Radna zajednica ove Škole jednoglasno se izjasnila za ovu integraciju 12.7.1971.godine.

Iz nama nepoznatih razloga ova integracija nije sprovedena iako je u obje radne zajednice u potpunom redu izglasana, tj. prihvaćena. Republički sekretarijat za obrazovanje i kulturu svojim aktom broj: 04-612/75 od 15.3.1973.godine, tražio je naše mišljenje o pokrenutom postupku Republičke geodetske uprave za ukidanje Više geodetske škole u Sarajevu i istodobno

za otvaranje Geodetskog odsjeka pri Gradjevinskom fakultetu u Sarajevu. Ova Škola je na taj dopis odgovorila dana 29.3.1973. poslije održane sjednice Radne zajednice i navela pod kojim uvjetima se slažemo da se naša odluka o integraciji preinači (oba dopi sa - prepisi - u prilogu).

Poslije toga na sastanku 17.4.1973. , koji je održan u Republičkom sekretarijatu za obrazovanje i kulturu uz prisustvo predstavnika Sekretarijata, Republičke geodetske uprave, Gradjevinskog fakulteta i ove Škole, prezen tiran je nacrt Zakona o ukidanju ove Škole. Mi smo ustanovili, da se predloženim zakonom tretira ukidanje Škole bezuslovno i radnim ljudima Škole ostavljaju zakonske posljedice tj. otkaz radnih odnosa, dok se radni prostor, instrumentarij i ostala imovina Škole prenosi na Fakultet kao aktiva, jer Škola nema nikakve pasive.

Do danas nismo obaviješteni o prihvatanju naših uvjeta u vezi s ukidanjem Škole, a koliko saznajemo iz mjerodavnih izvora, Gradjevinski fakultet ni je prihvatio ni osnivanje Geodetskog odsjeka, nego osnivanje smjera, što je po našem mišljenju, ne samo devalviranje geodetske struke, nego je i u suprotnosti s Amandmanskim principima, tj. ne pruža ravnopravnost geodeticima na Gradjevinskom fakultetu budući da kao smjer nisu organizacija udruženoga rada - pravno - a notorno je da to treba da budu.

S druge strane, prema zvaničnim izjavama rukovodstva Gradjevinskog fakulteta, slabi su izgledi da bi radnici ove Škole mogli nastaviti s radom, ne svojom krivnjom, niti zbog ekonomskih razloga ili nelikvidnosti Škole, nego zbog prerastanja na viši nivo geodetske nastave. Da bi nas utješili, predstavnici Republičke geodetske uprave obećavaju otvaranje nekoliko inspektorskih i sličnih radnih mjesta, što našim radnicima, naročito nastavnici, nije prihvatljivo.

Ukazujući na sve naprijed iznešeno, a imajući u vidu samo unapredjenje procesa školovanja geodetskih stručnjaka zaključeno je slijedeće:

1. Da se već izglasana i s obje strane prihvaćena integracija sprovede tj. da se Viša geodetska škola integriše sa Gradjevinskim fakultetom u Sarajevu i da preraste u Geodetski odsjek,
2. Da se odmah raspiše konkurs za upis studenata u I godinu Škole za 1973/74. školsku godinu - za 50 redovnih studenata.

Napomena: Ukoliko se još ove školske godine osnuje Geodetski odsjek Gradjevinskog fakulteta u Sarajevu, ovi studenti bi prešli na taj Odsjek.

Dostavljajući prednje molimo Vas, da se prilikom donošenja akata o ukidanju ove Škole i osnivanju Geodetskog odsjeka Gradjevinskog fakulteta u

Sarajevu, povede računa o stavovima i problemima radnih ljudi ove Škole.

Prilozi: Pismo Sekretarijata broj 04-612/75,
Odgovor Škole broj 01-52/73,
Odluka RZ Škole o integraciji.

MP PREDsjedNIK RADNE ZAJEDNICE
Prof. Tomo Begenišić, s.r.

Viša geodetska škola je ovo pismo uputila Gradjevinskom fakultetu u Sarajevu, Republičkoj geodetskoj upravi, Savezu GIG-a BiH, predsjedniku Komisije za visoko školstvo SRBiH, Republičkom sekretarijatu za obrazovanje i kulturu BiH, te Izvršnom vijeću, Skupštini SRBiH i dr. To pismo stvorilo je zabunu, naročito kod Gradjevinskog fakulteta, kao i kod faktora koji će o tome konačno odlučiti, jer je unijelo sumnju da li iza prijedloga, na kome Društvo radi već tri godine, stoji naš Savez i veći na članstva. Predsjedništvo Saveza GIG-a osjetivši da zabuna, koju je unijelo pismo Više geodetske škole, može da dovede do daljnjeg odlaganja ovog značajnog poduhvata, hitno je sazvalo plenum Društva sa dnevnim redom:

1/ Izvještaj o radu Komisije na osnivanju studija geodezije u Sarajevu,
2/ Pismo Više geodetske škole

Plenum je odobrio i pohvalio dosadašnji rad i zalaganje Komisije na otvaranju studija, a pismo Više geodetske škole je odbacio i ocijenio ga kao diverziju na putu realizacije ovog značajnog poduhvata za našu struku. Zaključeno je da se hitno interveniše kod svih faktora kojima je upućeno pismo Više geodetske škole.

Na osnovu toga i zaključaka donesenih na Plenumu, Višoj geodetskoj školi, Gradjevinskom fakultetu, Republičkoj geodetskoj upravi, Republičkom sekretarijatu za obrazovanje i kulturu, predsjedniku Komisije za visoko školstvo Skupštine SRBiH, predsjedniku Izvršnog vijeća i predsjedniku Skupštine, upućeno je pismo slijedećeg sadržaja:

SAVEZ GEODETSKIH INŽENJERA I GEOMETARA SRBiH

S A R A J E V O

Broj: 186/73

Sarajevo, 9. juna 1973. god.

VIŠOJ GEODETSKOJ ŠKOLI

S A R A J E V O

Savez geodetskih inženjera i geometara SRBiH-e u svom dosadašnjem radu na obrazovanju i usavršavanju stručnog znanja svoga članstva posvećivao